

U skladu sa članom 22a. stav (1) Zakona o finansiranju institucija Bosne i Hercegovine („Službeni glasnik BiH“ broj 61/04, 49/09 i 42/12) u svojstvu rukovodioca institucije, Igor Crnadak, ministar inostranih poslova Bosne i Hercegovine, dostavljam sljedeću

## I Z J A V U

### o odgovornosti za ostvarivanje ciljeva

#### MINISTARSTVO INOSTRANIH POSLOVA

**A) Glavni ciljevi utvrđeni Programom rada za 2015. godinu ostvareni su kako slijedi:**

<b>Red. broj</b>	<b>Glavni ciljevi utvrđeni Programom rada</b>	<b>Procenat izvršenja</b>
1.	Intenziviranje aktivnosti na ubrzanju evropskog puta BiH, u svjetlu novog pristupa EU i podnošenju kredibilne aplikacije za punopravno članstvo u EU	100 %
2.	Predsjedavanje BiH Komitetom ministara Savjeta Evrope	100 %
3.	Jačanje strukturalne saradnje i unapređenje odnosa Bosne i Hercegovine i NATO-a	kontinuirano
4.	Unapređenje regionalne saradnje	kontinuirano
5.	Razvoj i jačanje ekonomske diplomatije	kontinuirano

### **1. Intenziviranje aktivnosti na ubrzanju evropskog puta BiH**

U skladu sa utvrđenim spoljnopolitičkim prioritetima Bosne i Hercegovine, Ministarstvo inostranih poslova BiH je u 2015. godini kontinuirano učestvovalo u aktivnostima koje vode ka podnošenju kredibilne aplikacije Bosne i Hercegovine za buduće članstvo u EU. MIP je, s tim u vezi, tokom 2015. godine aktivno doprinio u procesu koordinisanja i aktivnostima unutar BiH, koje proizilaze iz Strategije integrisanja Bosne i Hercegovine u EU, te učestvovao u radu tijela koja se tiču procesa evropskih integracija na nivou Savjeta ministara BiH.

MIP je u 2015. godini pripremao analize, informacije i stavove u cilju napretka Bosne i Hercegovine u procesu evro-integracija, te pratio aktivnosti na uključivanju u programe pomoći EU, njihovo korišćenje i saradivao sa drugim državnim institucijama po ovom pitanju.

MIP je pripremao platforme, izjave i podsjetnike za razgovore zvaničnika Bosne i Hercegovine sa predstavnicima EU. Predstavnici Ministarstva su učestvovali na sastancima i skupovima i pripremali zabilješke i informacije o njihovoj sadržini i toku. Ostvarena je stalna saradnja sa Delegacijom EU u Bosni i Hercegovini, Kancelarijom specijalnog predstavnika EU i diplomatskim predstavništvima država članica EU.

### **2. Predsjedavanje BiH Komitetom ministara Savjeta Evrope**

Ministarstvo inostranih poslova je uspješno koordinisalo pripremu i realizaciju prvog predsjedavanja BiH Komitetom ministara Savjeta Evrope (maj-novembar 2015 godine), do sada, jednoj od najkompleksnijih aktivnosti BiH u domenu spoljne politike. Predsjedavanje

generalno ocijenjeno kao izuzetno uspješno, te je značajno doprinijelo daljoj afirmaciji BiH kao odgovornog i konstruktivnog subjekta evropskih i međunarodnih odnosa.

### **3. Jačanje strukturalne saradnje i unapređenje odnosa Bosne i Hercegovine i NATO**

Ministarstvo inostranih poslova je učestvovalo u radu Komisije za NATO integracijski proces na kojima su se određivali prioriteti i smjernice djelovanja u realizaciji obaveza BiH na jačanju saradnje sa NATO. Priprema nastupa visokih zvaničnika i delegacije BiH po pitanju NATO integracijskog procesa i međunarodnog mira i bezbjednosti. Ministarstvo je koordinisalo aktivnosti tokom godišnjeg predsjedavanja BiH Američko-jadranskom poveljom (A5), te dalo puni doprinos u realizaciji ministarskog sastanka A5 u Mostaru (10.12.2015.) koji je rezultirao usvajanjem usaglašenog završnog dokumenta u vezi sa NATO integracionim procesom zemalja Jugoistočne Evrope.

Ministarstvo inostranih poslova je aktivno učestvovalo u svim fazama pripreme dokumenta Individulani partnerski akcioni plan (IPAP) Bosne i Hercegovine za period 2014-2016, koji predstavlja formalni instrument saradnje sa NATO, tokom Samoprocjene IPAP za 2014 i 2015.(06-09.10.2015.) uz prisustvo NATO eksperata, Ministarstvo je koordinisalo učešće institucija BiH i dalo puni doprinos uspješnoj realizaciji ovog događaja. Pokretane su određene lobističke aktivnosti i vršeno konstantno informisanje partnera sa realizacijom Talinskog uslova u vezi sa aktiviranjem statusa u Akcionom planu za članstvo (MAP), a koji se odnosi na knjiženje 63 perspektivne vojne lokacije.

### **4. Unapređenje regionalne saradnje**

Ministarstvo inostranih poslova Bosne i Hercegovine nastavilo je i u 2015. godini voditi aktivnu spoljnu politiku i saradnju sa svim državama u regionu. Vođene su aktivnosti koje imaju za cilj zastupanje interesa BiH u zemljama regiona, daljnje unapređenje političkog dijaloga, jačanje regionalne saradnje i vođenje politike dobrosusjedstva. Dobru saradnju na političkom nivou potvrđuje intenzitet razmjene službenih posjeta i susreta na bilateralnim i multilateralnim skupovima, čime je postignut daljnji pomak u stvaranju pozitivne političke klime. Tokom 2015. godine naročito su intenzivirani susreti ministara inostranih poslova unutar procesa regionalne saradnje i evropskih integracija kao dijela novog pristupa Evropske unije prema državama Zapadnog Balkana.

### **5. Razvoj i jačanje ekonomske diplomatije**

Aktivnosti na planu ekonomske diplomatije su i tokom 2015. godine bile usmjerene ka realizaciji osnovnih ciljeva, unapređenju izvoza BiH kompanija i privlačenju stranih investicija u BiH, u skladu sa prioritetima u svom radu. Kontinuirano se radilo na predstavljanju firmi iz BiH u inostranstvu u saradnji sa Spoljnotrgovinskom komorom BiH, kroz diplomatsku mrežu BiH, te posredovalo u uspostavi poslovnih kontakata proizvođača iz BiH sa partnerima u inostranstvu na inicijativu stranih ili naših kompanija. Nastavljena je dobra saradnja sa predstavnicima Ministarstva spoljne trgovine i ekonomskih odnosa BiH, FIPA-e i Spoljnotrgovinske komore BiH, članicama Strateške alijanse, radi saradnje na projektima od zajedničkog interesa. U oktobru 2015.godine održan je konsultativni sastanak članica Alijanse sa savjetnicima članova Predsjedništva BiH, predsjedavajućeg Savjeta ministara BiH, kao i predstavnicima entitetskih vlada radi razmatranja i donošenja zajedničkih „Smjernica za organizaciju poslovnih foruma“, kao i određivanja prioretnih zemalja za organizaciju istih u 2016.godine.

**B) Sredstva odobrena Budžetom za ostvarivanje utvrđenih ciljeva u ukupnom iznosu od 60.184.377,00 KM utrošena su namjenski, svrsishodno i zakonito prema sljedećoj strukturi:**

<b>Red. broj</b>	<b>Rashodi</b>	<b>Odobreno budžetom</b>	<b>Izvršeno</b>
1.	Plate i naknade	36.105.373	35.123.162
2.	Materijalni troškovi	16.915.964	16.042.380
3.	Kapitalna ulaganja	7.162.840	913.884
4.	Grantovi		
	<b>UKUPNO</b>	60.184.377	52.079.426

Odstupanja izvršenih od odobrenih rashoda rezultat su:

1. Prenesenih namjenskih sredstava višegodišnjih kapitalnih projekata čija realizacija se nastavlja u 2016.godini.
2. Nerealizovanih kapitalnih ulaganja u DKP mreži zbog prolongiranja stupanja na snagu Pravilnika o javnim nabavkama za DKP BiH.
3. Nije ostvarena puna popunjenost u odnosu na planirani broj zaposlenih u 2015.godini.
4. Ostvarenih ušteta

**C) Uspostava i provođenje sistema finansijskog upravljanja i kontrole zasnovano je na podlogama iz člana 33b. i člana 33c. Zakona o finansiranju institucija Bosne i Hercegovine, i to:**

1. Izrađeni su interni propisi o finansijskom upravljanju i kontroli
2. Sistem upravljanja i kontrole usposatavljen je u svim organizacionim jedinicama i obuhvata sve programe i procese koje izvršava institucija
3. Uspostavljeni sistem finansijskog upravljanja i kontrole osigurava revizorski trag za finansijske i sve druge transakcije koje su izvršene u obračunskom periodu
4. Izrađen je izvještaj o finansijskom upravljanju i kontroli za 2015 godinu i dostavljen Centralnoj harmonizacijskom jedinici Ministarstva finansija i trezora (CHJ) na način i u rokovima koji su propisani podzakonskim aktima na osnovu člana 33c. stav (2) Zakona o finansiranju institucija Bosne i Hercegovine.

Nisu realizovane ili su djelimično realizovane aktivnosti :

U izvještajnom periodu, Ministarstvo inostranih poslova BiH je, u odnosu na zacrtane kratkoročne i srednjoročne ciljeve, uspješno realizovalo sve obaveze proizašle iz Plana rada za 2015. godinu, izuzev aktivnosti koje nisu isključivo u nadležnosti Ministarstva inostranih poslova, nego na iste utiču i aktivnosti drugih državnih institucija.

**Rukovodilac institucije**

Datum, 08.03.2016.